



Jumat, 26 Mei 2023

Ogen: Johanes 20: 13-18



Ercakap ras Malekat



Man piga-piga kalak, tetap ermeriah ukur i bas ngelawan rasa kecewa labo nukah ngelakokensa. Erkiteken litna rasa kecewa i bas geluhta, e maba perubahan. Bagi sekalak si ngenanami masa-masa sulit ibas geluhna, ertoto ia nina:” Tuhan, ietehndu kap situasingku, senku mulai reh nipisna, dahin pe lenga dat. Teman -temanku pe lanai mediate bangku, janah diberu si sangana kudeheri pe nulak aku. Alkitab ngatakensa maka Kam mehuli dinging bujur, Kam mperdiateken kerinana, Kam erkuasa. Tapi sayang kal, kai nina Alkitab kerna Kam la lit ertina guna geluhku paksa enda”. Kekecewaan maba perubahan.

Bage pe si igejapken kalak Jahudi, asum ngidah Jesus talu ras mateka, man piga-piga kalak si enda meruntuhkan perukuren ras kinitekenna man Jesus si nggo terbangun selama enda. Tapi lit sada si menarik i bas pengogenta wari enda, i ja lit percakapen Maria Magdalena ras Malekat, “O bibi engkai maka kam tangis?” erjabap Maria,” Enggo ibuat kalak Tuhanku”. Kai si menarik? I bas mbue kalak kecewa kerna taluna Jesus, la bagi siniarapken, justru Maria terbalik. Ia kecewa labo erkiteken Jesus talu ras mate. Perasaanna man Jesus tetap, la mobah. Ia kecewa erkiteken lanai idahna mait Jesus i bas kuburen e.

Kai si erbanca Maria bage? Erkiteken hubungan Maria ras Jesus labo hubungan si ilandasi keyakinan secara agama tapi keyakinan secara keintimen/hubungan akrab. I bas ia ngikutken Jesus mbue ialamina kuasa ras kebujuren Jesus maka aminna nterem kalak kecewa man Jesus tapi kinitekenna tetap paguh man Jesus. Janah si menarik i bas ayat 14, maka la ieteh Maria maka Jesus nggo tedis ipudina janah kenca itulihkenna ku pudi, la itandaina maka Jesus si tedis e. Megati i bas rasa kecewa, bene penandaita kerna Tuhan e, tempa-tempa kemungkinen-kemungkinen si deban si banci saja icidahken Tuhan man banta lanai lit.

Arah pengalamen Maria e ncidahkensa maka rasa kecewa enterem jelma paksa e italuken Jesus alu nuduhkan sada dalam si mehuli e me dalam kekeken, dalam keselamatan.